

L'access al code da funtauna da systems svizzers duai vegnir facilità

(cp) Il vote électronique daventa anc pli transparent. Ils chantuns participads simplifitgeschan l'access al code da funtauna da lur systems da la segunda generaziun. E in consorzi lavura il Grischun ensemen cun set auters chantuns vi d'in sistem segir per vote électronique ch'è vegni sviluppa vinavant tecnicamain. Il consorzi vote électronique, dal qual fan part a partir da l'onn 2014 otg chantuns (1), il chantun Genevra (ses sistem vegn duvrà da trais ulteriurs chantuns (2) per votar sin via electronica via internet) ed il chantun Neuchâtel, che ha in agen sistem, sviluppeschan actualmain vinavant lur systems.

La finamira da quest ulterier svilup è la realisaziun da las pretensiuns dal terz rapport dal cussegl federal davart il vote électronique da la stad 2013 e da la nova basa giuridica federala per la votaziun electronica ch'è entrata en vigor per ils 15 da schaner 2014.

En il center stat en quest connex

l'introducziun d'ina pussaivladad per verifitgar las votaziuns. Ultra da quai duai vegnir garantì l'access senza barrieras als systems, uschia che era persunas cun impediments pon votar en moda autonoma e resguardond il secret da votaziun.

Ils chantuns involvids han l'intenziun da facilitar l'access al code da funtauna da lur systems sviluppads. In code da funtauna è in text scrit en ina lingua da programmar d'in program da computer. Quest pass augmenta la trasparenza ed è pia ina mesira impurtanta per stgaffir confidenza.

Il chantun Genevra dispona dapi l'onn 2010 d'ina basa giuridica che permetta l'access al code da funtauna (art. 60 lit. 10 da la lescha davart ils dretgs politics). Sin basa da quai ha il chantun Genevra pussibilità l'onn 2013 duas giadas l'access al code da funtauna.

Il chantun Neuchâtel vul render accessibel il code da funtauna dal sistem da

la segunda generaziun per utilisadras ed utilisaders registrads da l'uschenumnà «guichet unique».

Il consorzi vote électronique vegn a publictar uffizialmain il code da funtauna dal sistem da la segunda generaziun.

Il code da funtauna dals systems da la segunda generaziun vegnan a star a disposiziun il pli baud l'enviern 2014/2015.

Dapi l'onn 2010 fa il Grischun – sco in da plirs chantuns da pilot – tests cun il vote électronique per las Svizras e per ils Svizzers a l'exteriur. La finamira è quella da dar fin l'onn 2019/2020 a tut las votantas ed a tut ils votants dal Grischun la pussaivladad da far diever dal vote électronique. L'onn 2016 duain cumenzar projects da pilot cun votantas e votants en il Grischun. Il vote électronique duai daventar il terz chanal da votaziun sper la votaziun a l'urna e sper la votaziun per corrispondenza, ed avair il medem status sco quellas.